

اِسْتِغْنَا

نومرو ۱۵

بجانبہ

۱۸ کانون اول ۱۳۲۴

بردرجه ده یکسه اجانبه کیرن بوملیونلرجه مبالغ زواللی زراعدن وسائر تبعه عثمانیه دن بورکارینک قاننه بولاشه رق چقمقده در .

دیوان محاسبات رئیس سابق

(دوام اولنه جقدر)

راسخ

قانون جزا حقنده بر مطالعه

تشکیلات عدلیه من اعتباریه محاکم عثمانیه نک حال حاضری نه درجه موجب اصلاح برحاله ایه قانون جزا ده اونسبتده اصلاح وتعدیله محتاجدر . اخیراً غرتلرده قانون جزانک تعدیلات لازمه سی وبالخصوص اضرا ناسی موجب مواد حقنده واسع بر صورتده تعدیلات اجرا وحکومت هر مشروطیتیزی تبدیلنه تشبثات خائنه ده بولسانلرک اعدامنه دائر مجدداً بر ماده قانونیه درج ایدلش اولدینی کال شکرانله معالعه اولمشدر . اوت ملتک سعادت حالی متکفل و هر صورتله اوج اقبال وترقیاته ایصاله خادم یکانه اولان اصول مشروعه مشروطیتک علیهنده بولسان برخانک جرمی نه درجه عظیم اولدینی تعریفه صیقلماز بویه برخانک وجودینک ازاله سی فرض عین عین فرضدر . ذاتاً هر دولته مرعی بولسان قانون جزا جرائم عمومیه وجرائم شخصیه نامیه ایکی بیوک قسمة منقسمدر جرائم عمومیه قسمنک اک برنجی ماده لری اصول وشکل دولتی تبدیلنه تشبث ایدلر حقنده اعدام جزاسی کی آغیر جزالری محتویدر . بوکیلر حقنده اعدام جزاسی بیله آذرر جرائم عمومیه نک اک آغیرلری مرور زمانه ده تابع اولمایوب بولنرک متجاسرلری هر نه وقت دردست اولنور ایه اولنسون حقلرنده حکم قانون اجراسی بعض دولتلرک قانونلرنده صراحتاً مندرجدر . فی الحقیقه اصابت وعدالته بومرکزده در مثلاً بر قوماندانک مبالغ کیهیه مقابل انشای محاربه ده اهاتی وکلادن برذاتک کذلک حکومت مشروعه مشروطه حقنده خیانتکارانه برحرکتی کورلدکن صوکره ممالک اجنبیه فرار واوراده برمدت اقامتله مرور زمان حدینی طولدیردقن صوکره مملکتلرینه عودت ابتدکاری حاله بوکیلر حقنده قانوناً برشی بایله مامسی نه درجه وخیم وچرکین برشی اولدینی عرض وتعریفه محتاج برکیفیت دکدر . بنا برین اسباب مسرودهیه مبنی بحث اولسان جنایاتک مرور زمانه تابع اولمیه جنی یولنده اصول محاکمات جزائییه بر ماده قانونیه علاوه سی الزم خصوصاندندر . قانون

جزای آنک احکام سائر سینه نقل کلام اولند قدده بزم قانون جزا نشر اولند یعنی تاریخ که یتیم الی تاریخیدر اوتاریخده محاکم عدلیه نیک وقوانین سائر نیک وجودی اولمادیفی ، نظریات جزا حقنده هنوز بر فکر و مطالعه زمین افکارده نشونما بولمادیفی بر زماندر داشته قانون جزا تاریخده ترجمه و احکام شرعیه تدقیق ایدمک صورتیه قلمه التمش اولدیغندن کرک ماده لک طرز تحریری کرک مندرجاتی قوانین سائر احکامنه قسماً مخالف اولوب مثلاً حقوق شخصیه جمله سندن بولسان ضرر و زیان و اصول محاکمه به تابع اولان معاملات قانون مذکورده درج ایدمش اولدیغندن تشویش معاملات و افکاری مستلزم اولماقدده اولدیغندن کلیاً محتاج اصلاح و تعدیلدر نظریات جزای آنک مسائل مهمه سندن اولان حق مجازاتک منبئی حقنده علمای جزائیون طرفندن سرداولسان افکار و آرائنک خلاصه سی که اجرای عدالت توهیب و عبرت قفیه سندن عبارتدر بر قانون جزاده بودستور حکمت منجلی اوله ماز ایسه او قانوندن بر فائده اقطاعی قابل اوله ماز داشته بوعدالت فکرینه مستنداً واضع قانون مجازاتک قسم کلیدی حداثظم و حد اصغر دائره سینه ادخال ایتشدر مع مافیه قانون جزای آنک بعض ماده لرنده بو فکر عدالت تمامیه التزام اولنه مامشدر مثلاً احراق مسئله لرنده قانون یوز التمش اوچنچی و یوز التمش دردنجی ماده لرنده کی مجازات قانونیه جرمه نسبتاً عدالتدن یک اوزافلشیور شویله که اوت و صماندن مرکب و یا خود ایکی اوچ تحتهدن عبارت برقله نیک احراقیه بریوک بنانک احراقی مساوی عدد ایدیور بالکیز بنانک قصبه داخلنده و خارجنده اولمسی تقریق ایده رک بوضورتله مجازات ترتیب ایداش ایسه ده بوکی قولبه دن معدود اولان شیلرک اینیه دن معدود اوله میه جغندن بو بایدده اوچ سینه جزا ترتیبی یک اغیر واقع اولمشدر یوزیمش دردنجی ماده ده قتل نفس حقنده ترتیب اولنان جزا اون بش سنده دن عبارت ایسه ده جرمک درجه شاعتی فی الاصل احکام شرعیه ده بوکی قاتلر حقنده وجوب قصاصی درکار اولمسنه لوازم معدلتن اولان عفو عمومی نیک بوندن بویله ده مرعی طوتیه جغه منبئی جزای مذکور اون سینه به تنزل ایده رک

يك خفيف واقع اولمقده بواسبابه مبنی ممالك عثمانیه ده كوندن كونه قتل كیفیتی
تكثر اتمكده در بناء علیه مذکور ماده نك یكرمی سنیه ابلاغی موافق معدلدر
قتل قصدیه اولمیه رق اثر ضربدن متأثراً وفات ایدنلر حقنیده بش سنه كورك
جزاسی حكمنی مشتمل اولان یوزیتش یدنجی ماده نك مندرجاتی محكمه تمیز
تبدیل ایدرجه سنه تفسیر اتمكده بولنش وكرچه محكمه تمیزك حق تفسیری
مسلم بولنش ایسه ده بونك بر درجه سی اولوب حق تفسیر هیچ بروقت حق
تشریع مرتبه سنه واصل اوله ماز بونك علی ده ماده مذکور نك مجمل وغیر
صریح یازنش اولمسیدر حالبوكه احكام شرعیه ده بوباید يك مكمل ایضاحات
موجود اولوب آلت قتلدن معدود اولان شیر ذكر وتمداد ایدنش بونلر ایله
ایقاع ایدیلان قتل قصاصی موجب بونلرك خارجنده قالان شیر ایله وقوعبولان
قتل دینی مستلزم اولدیفی كوسترلمشدر بناء علیه مذکور ماده نك نه كبی
ضربدن شمولد قتلره تحولی اوله جفته دائر واضح برصورتده تخریری درجه
وجودده در .

عادی ضرب و جرح ماده لرینی مشتمل اولان ۱۷۸ و ۱۷۹ نجی ماده لرك
مندرجاتی ده مطلوب درجه ده احكامی متضمن دكلدر باخصوص مذکور ۱۷۸ نجی
ماده نك حد اصغری اولان ایکی ماه حبس جزاسیه ۱۷۹ نجی ماده نك حد
اعظمی اولان برسنه حبس جزازی بیننده يك نسبت عدالت كورنماكده در .
یكرمی كوندن متجاوز برمدنده التیام بولور . درجه ده ضرب فعلنی ایقاع ایدن
ضاربه ایکی ماه جزا طرح اولنور ایسه اون طقوز كونك ضاربه برسنه جزانك
نصورتله ویریه جكنی وبوفلك اسباب مشدده سی ندن عبارت اوله جفی جای
تأملدر ! واقعا مضروبك شخصی و حیثیتی وموقی نظر اعتباره التمی ایجاب
معدلندن بولمقده ایسه ده علی العموم انسانلر بیننده حقوق نقطه نظرندن بودرجه
فرق عظیم قبول ایدلمسی قاعده مساواتی محل برکیفیت بولنشدر بو حالده جزاسی
بردرجه دن عبارت اولان قتل مسئله سنده ده بوفرقت قبول اولنمی یعنی زنكین
برشخصك قاتلنه بشقه بر جزا فقیر بر شخص اتلاف ایدن كیمسه یه بر بشقه

جزا ویرمسی ایجاب حلدن کورنیور .

یکدیگرینی ضرب ایدن ایکی کیمسه، نك بوماده موجبنجه ترتیب جزالری محقق اوله‌ماز چونکه کندی ضاربنی ضرب ایدن مضروب حقنی بالذات استحصا ایتمین دیمکدر ارتق دولت طرفندن مجازاته محل قلمیه‌جنی وارسته تذکاردر . بومخنده خلفای عباسیه‌دن هارون رشیدک برحکایه‌سی مشهور شیخ سعدینک کلاستانده مذکور اولدیغندن بوراده ایرادی مناسبدر هارون رشیدک مخدومی برکون پذیرینک نزدینه کلهرک فلان چاوشک مخدومی کندیسنه اطالۀ لسان ایتمش اولدیغنی بی‌انله شکایت ایتمش اولمسی اوزرینه هارون رشیدده مخدومه خطاباً اوچاوش زاده‌نی عفوایت اگر عفو ایتکه مقتدر اوله‌ماز ایسه‌ک آنک سوبلدیکی کبی سنده مقابله ایت فقط درجه‌سی تجاوز ایدر ایسه‌ک سن مظلوم او ظالم ایکن اولوفت سن ظالم او مظلوم اولمش اولور دیه تنبیها و نصایح لازمه‌دم بولمشدن بناء علیه بوماده لرکده تعدیل و اصلاحی انسبدر . معافیت شخصیه‌دن اولان مدافعه نفس و عرض یولنده ایقاع ایدیلان جرح و قتل فعللرینک معافیتی مسلمات وجدائی‌دن و ضرورت غندنده ممنوع اولان شیلرک مباح اوله‌جنی قواعد فقهیه‌دن بولنش ایسه‌ده بونک خارجه تجاوزی جائز اولوب اولمیه‌جنی علمای جزائسون بیننده برخیلی مباحاتی مستلزم اولمش و المانییا قانون جزاسنده بوباده صراحت موجود اولوب دوچار تعرض اولان شخصک تخلیصی ایچون آخر کیمسه‌دن صدور ایدن جرح و قتل ماده‌لریده معافیت مذکوره دائره‌سنه داخل اوله‌جقلری قبول ایدلمشدر، فی الواقع برنفسه مختص اولان ضرورتک او شخصک غیرینه تجاوزی غیر جائز و علی خلاف القیاس واقع اولان شیک سائر مقیس علیه اوله‌میه‌جنی قواعد شرعیه‌دن بولنش ایسه‌ده برنفسک صیاتی ایچون مساع قانونی اولان شیده « اونفسک تبدیلیه حکمنک دخی تبدل ایتمه‌سی لازم کلیه‌جکته و اساساً او فعل قتلی مشروعیت قانونیه دائره‌سنه ادخاله باعث اولان علت موجود بولمنسه . مبنی معافیت شخصیه مسئله‌سنک شو وجهله توسیعی موافق معدلت اولور ظن ایدیورم فقط مدافعه

مال حقنده بویله بر امتیازك و معاقبتك مشروعتی نه عقلا نه ده منطقاً قابل اوله یوب بوباید در میان اولان بر مسئله نك مباحثاته بیله دكرن اولدیغی بین العلماء متفق علیه بر کیفیتدر .

بالمقابله جرح و قتل ماده لر یله قاتل معذور لر حقنده احکامی شامل اولان ۲۹۰ نجی ماده نك اولان طرز تحریری بك غریب و بر قانونده بوصورتمده عبارته مندرج بولمسی اصلاً تجویز اولنه جق مواددن دكلدر ،

عدالته تقرب ایتك اوزره مقابله نك درجه سی وعادياً ضربه قارشو وقوع بولان بر قتله مقابله دینه مابسی و هر حالده اهمیتلی بر ضربه و جرحیه قارشو مقابله نك قبول ایدلمسی لازمدر و ذاتاً بوكی قتلره شرع شریفده دیت و قصاصی موجب و بر امر قانونی اولان مقابله نك بك اهمیتلی خصوصاته حضری و قانونده بوبایده ایضاحات نامه اعطاسی واجب منزله سنده در اهمیت عظیمه سی دركار اولان بالمقابله قتل ماده سی ایچون ایکی سطرلق بر ماده ایله بر حکم وضعی فصل ممکن اوله بیلور ؟ یوقسه اشرف مخلوقات اولان بر انسانك قتل و اتلافی اهمیتسنز برشی می ظن ایدلمشدر .

قسطهونی مرکز مدعی عمومی
معاونی

مختار کمال

اجمال داخلی

جمعیت عمومیۀ بلدیۀ - ۹۴ قانونی - دور سابقده شهر امانتی و استانبول دوائر بلدیۀ سی - اجتماع عمومی بلدیۀ نه لر یابلدی - مجلس مبعوثان: صوك هفته ده کی اشتغالاتی - رئیس و رئیس وکیلاری - احمد رضا بك نطقی - اعیانده سعید پاشا - هیئت اعیانك عریضۀ تشكریه سی - مختار پاشا رئیس ثانی - مترو و بجه حادثه سنه دائر ایضاحات - حبسخانه عمومی وقعه سی - ولی عهد سراینده - شهزاده اقامتگاهلرنده خفیه لر - ینه قهصاً تبدل وكلا - لاحقه : ده یلی تلغراف و ده یلی غرافیق .

استانبول ، ۱۶ كانون اول ۱۳۲۴

چكن هفته نك لك مهم وقعه سی جمعیت عمومیۀ بلدیۀ نك انعقادی در .